

կանթեղի առջեւ, խարխուլ եւ հնացած տախտակներէ վրայ, որոնք նրա գրասեղանն էին կազմում: Նրանց վառարանում յաճախ կրակ չէր վառուում, եւ պատանին շատ անգամ էր վաղուժ կրակ բերելու իրենց տանն ապրող վարձակալի վառարանից կամ թէ տաքանում է՞հ հէնց նրանց վառարանի մօտ կուչ դալով...

Զբաւոր երկաթագործը հազիւ էր կարողանում ցամաք հաց հայթայթել իր բազմադամ ընտանիքի համար: Դուրեանի մայրը չափից դուրս աշխատասէր եւ վշտոտ կին էր, բայց նա իր վշտերը կրում էր իր մէջ եւ ուրիշներին չէր յայտնում եւ երբեք լաց չէր լինում:

Մայրը շատ խոր կերպով ազդել է Պետրոսի նկարագրի եւ բնաւորութեան վրայ: Մէկ անգամ միայն հիւանդ որդին տեսաւ մօր արտասուքը եւ այն անմահացրեց հայ բանաստեղծութեան ամենագոյտրիկ տողերով՝ «Տըրտունջը»ով:

Այնքան աղքատ էր եղել երկաթագործ Աբրահամը, որ չէր կարողացել գոնէ մի խաղալիք գնել իր որդի Պետրոսի համար: Եւ թըշուառ երեխան սպասում էր, թէ Ե՞րբ պէտք է մայրը գուլպայ գործելիս սխալմամբ թելի կծիկը գլորէ գետին, որ ինքը հրճուանքով լի մի քանի վայրկեան գոնէ խաղայ...

Դուրեանի հայրը բարի, աշխատասէր եւ պահպանողական մարդ էր: Դուրեանը վեց տարեկան հասակում մտնում է իրենց թաղի՝ ԸՍ-կիւտարի ձեմարանը, որտեղ տիրում էր սքոլաստիկ ոգին: Այդտեղ դարձաւ լեզուով աւանդում էին քերականութիւն, ճարտասանութիւն, Նարեկ, սաղմոս, աւետարան, Եղիշէ եւայլն: Դուրեանը յատկապէս շատ է սիրել Գրիգոր Նարեկացուն եւ շարունակ ուսումնասիրել է նրա մտքերը, գլացմունքները եւ արտայայտութեան ձեւերը: Մեծ նմանութիւն կայ այդ երկու վիրաւոր, անկեղծ եւ ողբերգակ երգիչների՝ Նարեկացու եւ Դուրեանի միջեւ:

Դպրոցում Դուրեանը ծանօթացաւ Արսէն Բագրատունու, Ղեւոնդ Ալիշանի եւ Պեչիկթաշեանի հետ: Որոշ չափով նա ազդուեց դրանց դրուածքներից եւ վաղ հասակում, 13 տարեկանից, սկսեց գրել բանաստեղծութիւններ, որոնց մասին աննպաստ չէր արտայայտուում

Սկիւտարի մի ժամանակուայ տեսուչ՝ հռչակաւոր երգիծաբան՝ Յակոբ Պարոնեանը:

Դուրեանի սիրած առարկաներն են եղել՝ հայերէնը, դրականութիւնը, երաժշտութիւնը, աշխարհագրութիւնը եւ նկարչութիւնը: Օտար լեզուներից նա սովորեց ֆրանսերէնը եւ պէտք է ենթադրել, որ նա այնքան գիտէր, որ կարողանում էր օգտուել ֆրանսական ուսմանտիկ գրողներից:

ձեմարանում յաճախ տեղի ունեցող ատենաբանութիւնների ժամանակ Դուրեանն աչքի էր ընկել իր ճարտասանական ընդունակութեամբ եւ յստակ ու գեղեցիկ առողանութեամբ: Աղքատութիւնը ստիպել էր ծնողներին հանել դպրոցից Պետրոսին եւ տալ զեղադործի աշկերտ, որպէսզի նա այդ գործնական արհեստով կարողանայ թէ՛ իր գլուխը պահել եւ թէ՛ օգնել ընտանիքին: Սակայն, զեղատանը նա չի ոգեւորւում զեղեր պատրաստելով, այլ շարունակ բանաստեղծութիւններ է յօրինում, որովհետեւ այդ էր նրա կոչումը, նա դրա համար էր ծնուել: Ծնողները չուտով հարկադրուած են լինում դարձեալ նրան ուղարկելու ձեմարան, որ եւ աւարտում է նա 1867 թուին՝ սովորելով ընդամէնը տասը տարի:

Դպրոցից նա դուրս է գալիս մտաւոր մի համեստ պաշարով, ծանօթացած լինելով հայ եւ օտար, գլխաւորապէս ֆրանսական գրականութեան հետ:

Այս անգամ ծնողները նրան դնում են մի սեղանաւորի մօտ, ուր ինն ամիս է մնում եւ դրաւում է գրագրութեամբ: Սակայն, իր պաշտօնով դարձեալ չի ոգեւորւում եւ չի յառաջադիմում, որովհետեւ ուշքն ու միտքը իր բանաստեղծութիւններով եւ թատերգութիւններով էր զբաղեցնում: Ծնողները, որ նրան ուզում էին պատրաստել գործնական կեանքի համար, յաճախ հարցնում էին.

«Պետրոս, ասանկ գրելով-կարդալով ի՞նչ պիտի ըլլաս»:

Նա պատասխանում էր.

«Այսպէս ընելով իմ անուան պիտի հանեմ. թէեւ շատ չպիտի ապրիմ, բայց ըսել պիտի տամ, թէ ասանկ մէկը աշխարհ եկած է»...

Այնուհետեւ Խորէն Նարպէյի ջանքերով Դուրեանը մասնաւոր դասեր է տալիս եւ այդ-